

REGLUR

um Listdansskólann.

1. gr.

Listdansskólinn hefur aðsetur í Reykjavík. Menntamálaráðuneytið fer með yfirstjórn skólans. Skólastjóri og skólanefnd fara með stjórn hans að öðru leyti.

Skólastjóri og skólanefnd, eftir því sem við á, bera ábyrgð gagnvart menntamálaráðuneytinu á rekstri skólans, eignum og öllum fjárreiðum, gerð fjárhagsáætlana og reikningsskilum og að allar starfsmannaráðningar séu innan heimilda fjárlaga hverju sinni.

Stjórn Íslenska dansflokksins og skólanefnd Listdansskólans skulu eiga sem nánasta samvinnu sína á milli um málefni listdansins, þ.m.t. samnýting húsnæðis, þjálfun og skrifstofuhald eftir nánara samkomulagi.

2. gr.

Hlutverk skólans er að þjálfa og þroska hæfileika nemenda í listdansi, auka skilning og örva áhuga á listgreininni um allt land.

Aðalnámsgreinar eru klassískur listdans, nútímalistdans, jassdans, karakterdans, tónlist-arfræði, danssaga, sögulegir dansar, látbragð, spuni, klassískur tvídans, tilbrigði úr listdans-verkum. Ennfremur styttri námskeið í samkvæmisdönsum, þjóðdönsum og förðun. Skólinn skiptist í forskóla og átta ára kerfisbundið nám.

3. gr.

Menntamálaráðherra ræður skólastjóra Listdansskólans til fjögurra ára, að fenginni umsögn skólanefndar. Heimilt er að endurnýja samning hans til tveggja ára í senn. Skólastjóri þarf að hafa menntun í listdansi og atvinnuferil við viðurkennda listdansstofnun.

Skólastjóri hefur umsjón með daglegum rekstri skólans og ber ábyrgð á að starfsemi skólans sé í samræmi við lög og reglugerðir og önnur gildandi fyrirmæli á hverjum tíma. Skólastjóri undirbýr fjárhagsáætlanir og leggur fyrir skólanefnd. Skólastjóri ræður kennara og annað starfslið, sbr. 5. gr. Skólastjóri boðar til kennarafunda eftir því sem þörf krefur til að fjalla um einstök málefni skólans.

4. gr.

Skólanefnd er skólastjóra og menntamálaráðuneyti til ráðuneytis um málefni skólans. Hún skal fjalla um starfsáætlun skólans og framkvæmd hennar, um skólareglur og mál sem upp kunna að koma og varða einstaka nemendur og kennara. Skólanefnd gerir tillögur til menntamálaráðuneytis um fjárveitingar til skólans.

Skólastjóri gerir tillögur til skólanefndar um reglur um inntöku nemenda og námsmat og skulu þær lagðar fyrir menntamálaráðuneytið til staðfestingar.

Leita skal umsagnar skólanefndar um ráðningu skólastjóra.

Í skólanefnd eiga sæti fulltrúi menntamálaráðuneytisins, sem jafnfram er formaður, listdansstjóri Íslenska dansflokksins, fulltrúi Þjóðleikhúsráðs, fulltrúi foreldrafélags Listdans-

skólans og fulltrúi fastráðinna kennara. Menntamálaráðherra skipar skólanefnd til tveggja ára í senn. Skólastjóri á sæti á fundum nefndarinnar með málfrelsi og tillögurétt. Fulltrúi frá Félagi íslenskra listdansara hefur leyfi til fundarsetu með málfrelsi og tillögurétt.

Formaður boðar til funda. Skylt er að kalla saman fund ef tveir eða fleiri nefndarmenn óska þess.

5. gr.

Skólastjóri ræður í samráði við skólanefnd, eftir því sem fjárveitingar heimila, kennara, undirleikara og annað starfsfólk að skólanum.

6. gr.

Rekstur skólans greiðist af:

- a) ríkissjóði, skv. sérstakri fjárveitingu í fjárlögum.
- b) gjöldum nemenda sem ákveðin eru af skólanefnd að fengnu samþykki menntamálaráðuneytisins.

7. gr.

Reglur þessar sem settar eru með hliðsjón af lögum um Þjóðleikhús nr. 58/1978 og reglugerð fyrir Þjóðleikhús nr. 549/1982 öðlast þegar gildi.

Menntamálaráðuneytið, 25. nóvember 1991.

Ólafur G. Einarsson.

Knútur Hallsson.

REGLUR

um starfsemi Íslenska dansflokksins.

1. gr.

Íslenski dansfokkurinn er sjálfstæður listdansflokkur sem starfar í tengslum við Þjóðleikhúsið. Málefni Íslenska dansflokksins heyra undir menntamálaráðuneytið.

Íslenska dansflokknum er ætlað að viðhalda sígildri hefð listdansins flytja samtímaverk og ennfremur að stuðla að nýsköpun í innlendra danssmíði og vera að öðru leyti vettvangur til eflingar danslistar á Íslandi.

2. gr.

Stjórn dansflokksins framkvæmdastjóri og listdansstjóri eftir því sem við á, bera ábyrgð gagnvart menntamálaráðuneytinu á rekstri flokksins, eignum og öllum fjárreiðum, gerð fjárhagsáætlana og reikningskilum og að allar starfsmannaráðningar séu innan heimilda fjárlaga hverju sinni.

Stjórn Íslenska dansflokksins og skólanefnd Listdansskóla Íslands skulu eiga sem nánasta samvinnu sín á milli um málefni listdansins, þ.m.t. samnýtingu húsnæðis, þjálfun og skrifstofuhald eftir nánara samkomulagi.

3. gr.

Menntamálaráðherra skipar stjórn Íslenska dansflokksins til fjögurra ára í senn og er stjórnin skipuð sem hér segir: Einn skipaður samkvæmt tilnefningu Listdansskóla Íslands, einn samkvæmt tilnefningu styrktarfélags Íslenska dansflokksins, einn samkvæmt tilnefningu Þjóðleikhúsráðs, einn samkvæmt tilnefningu Félags íslenskra listdansara, og einn án tilnefningar og skal hann vera formaður stjórnar.